



UPRAVA

Broj: 03-03-01-743/18

Sarajevo, 30.05.2018. godine

Na osnovu člana 69. stav 2, tačka e.), člana 70. stav 1., 4. i 6. Zakona o javnim nabavkama („Službeni glasnik BiH“, broj 39/14), Pravilnika o postupku nabavke broj: PR/SN/01 od 24.02.2015. godine, poništava se postupak javne nabavke jer cijene svih prihvatljivih ponuda znatno su veće od osiguranih sredstava za predmetnu nabavku, na preporuku Komisije za javnu nabavku broj: 10/2018/3, u postupku javne nabavke JNR 10/2018 – Nabavka čeličnih cijevi i čeličnih fittinga za zavarivanje, direktor donosi:

ODLUKU

- o poništenju postupka javne nabavke –

NABAVKA ČELIČNIH CIJEVI I ČELIČNIH FITINGA ZA ZAVARIVANJE

Član 1.

Poništava se postupak javne nabavke JNR 10/2018 – Nabavka čeličnih cijevi i čeličnih fittinga za zavarivanje jer cijene svih prihvatljivih ponuda znatno su veće od osiguranih sredstava za predmetnu nabavku član 69. stav 2. tačka e.).

Član 2.

Za izvršenje ove odluke zadužuje se i ovlašćuje Služba nabavke.

Član 3.

Ova odluka će biti objavljena na web – stranici www.toplane-sa.co.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-611/18 od 27.04.2018. godine.

Javna nabavka je provedena putem **otvorenog postupka**.

Procijenjena vrijednost javne nabavke bez uračunatog PDV-a je 240.000,00 KM.

Obavještenje o nabavci broj: 160-1-1-97-3-44/18 poslato je na objavu dana 28.04.2018. godine, a objavljena je na Portalu javnih nabavki BiH dana 28.04.2018. godine.



Nakon isteka roka za preuzimanje, tendersku dokumentaciju je preuzelo 12 (dvanaest) ponuđača sa Portala javnih nabavki BiH (www.ejn.gov.ba), a nakon isteka roka za podnošenje ponuda evidentirano je da su putem protokola u zatvorenoj kovrti pristigle ponude ponuđača:

1. „FERHEM“ d.o.o. Lukavac, broj protokola 2115/18, datum 18.05.2018. godine u 09:27 sati
2. „KRAMER & BEST“ d.o.o. Tuzla, broj protokola 2116/18, datum 18.05.2018. godine u 09:53 sati
3. „POLIKO – INTERNACIONAL“ d.o.o. Sarajevo, broj protokola 2122/18, datum 18.05.2018. godine u 11:12 sati
4. „TREASURE“ d.o.o. Zenica, broj protokola 2123/18, datum 18.05.2018. godine u 12:40 sati

Komisija za javnu nabavku imenovana je Odlukom broj: 03-03-01-612/18 od 27.04.2018. godine.

Dana 18.05.2018. godine u 14:00 sati, Komisija za javnu nabavku je izvršila javno otvaranje pristiglih ponuda sačinivši o tome Zapisnik sa otvaranja ponuda, te shodno članu 65. Zakona o javnim nabavkama, izvršila pregled i ocjenu pristiglih ponuda.

Uvidom u priloženu dokumentaciju i suštinskom provjerom sadržaja i validnosti dokumentacije pristiglih ponuda, Komisija je utvrdila da 2 (dvije) ponude ispunjavaju formalno – pravne i tehničke zahtjeve ugovornog organa i to:

1. „KRAMER & BEST“ d.o.o. Tuzla
2. „TREASURE“ d.o.o. Zenica

odnosno da su ponude ponuđača prihvatljive za ugovorni organ i da mogu biti predmet vrednovanja shodno utvrđenom kriteriju.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri).
- da su blagovremeno zaprimljene 4 (četiri) ponude.
- da nema neblagovremeno zaprimljenih ponuda.
- da su ponude ponuđača: „KRAMER & BEST“ d.o.o. Tuzla i „TREASURE“ d.o.o. Zenica prihvatljive.

Ponude koje nisu prihvatljive za ugovorni organ sa aspekta kompletnosti, ispunjenja uslova i zahtjeva definisanih u tenderskoj dokumentaciji su ponude ponuđača:

1. „FERHEM“ d.o.o. Lukavac iz razloga što ponuđač u svojoj ponudi nije dostavio sljedeću dokumentaciju:

- certifikati koji su dostavljeni u sklopu tehničke dokumentacije za stavku 1.1. iz Aneks-a 3 tenderske dokumentacije, ne zadovoljavaju traženu debljinu stijenke,



- certifikati ne sadrže dokaz o usklađenosti sa traženim standardima za stavku 1.1. i 1.2. iz Aneks-a 3 tenderske dokumentacije.

2. „POLIKO – INTERNACIONAL“ d.o.o. Sarajevo iz razloga što ponuđač u svojoj ponudi nije dostavio sljedeću dokumentaciju:

- certifikati koji su dostavljeni u sklopu tehničke dokumentacije za stavku 1.1. i 1.2. Aneks-a 3 tenderske dokumentacije, ne zadovoljavaju traženu debljinu stijenke,
- certifikati ne sadrže dokaz o usklađenosti sa traženim standardima za stavku 1.1. i 1.2. iz Aneks-a 3 tenderske dokumentacije,
- nedostaju kopije tipskih certifikata za 3 pozicije za stavke: 2.1, 2.2, 2.3, 3. i 4. iz Aneksa 3 tenderske dokumentacije,
- ponuđač u svojoj ponudi nije dostavio originale ili ovjerene potvrde o uspješno izvršenim ugovorima kako je traženo tačkom 7.4, podtačkom 7.4.3. tenderske dokumentacije.

Komisija za javnu nabavku je, dana 29.05.2018. godine dostavila: preporuku o poništenju postupka javne nabavke broj: 10/2018/4 od 29.05.2018. godine i izvještaj o radu broj: 10/2018/3 od 29.05.2018. godine, u postupku javne nabavke za nabavku čeličnih cijevi i čeličnih fittinga za zavarivanje – JNR 10/2018.

Tenderskom dokumentacijom predviđeno je zakazivanje e-aukcije Prije zakazivanja e – aukcije, Komisija je pristupila vrednovanju prihvatljivih ponuda prema utvrđenom kriteriju „**najniža cijena**“, te utvrdila rang listu prihvatljivih ponuda / ponuđača, kako slijedi:

1. „TREASURE“ d.o.o. Zenica,

sa ukupnom cijenom ponude u iznosu od **251.871,80 KM** bez uračunatog PDV-a

2. „KRAMER & BEST“ d.o.o. Tuzla,

sa ukupnom cijenom ponude u iznosu od **277.179,83 KM** bez uračunatog PDV-a

E – aukcija je zakazana 28.05.2018. godine u 09:00 sati a završena u 09:10 sati, nakon čega je rang lista prihvatljivih ponuda / ponuđača sljedeća:

1. „KRAMER & BEST“ d.o.o. Tuzla,

sa ukupnom cijenom ponude u iznosu od **251.600,00 KM** bez uračunatog PDV-a

2. „TREASURE“ d.o.o. Zenica,

sa ukupnom cijenom ponude u iznosu od **251.871,80 KM** bez uračunatog PDV-a

U postupku, prema izvještaju o radu, utvrđeno je da je Komisija za javnu nabavku konstatovala da su cijene prihvatljivih ponuda i nakon završene e-aukcije veće od procijenjene vrijednosti predmetne nabavke, te shodno članu 69. tačka 2. tačka e. Zakona o javnim nabavkama, ugovorni organ poništava otvoreni postupak javne nabavke JNR 10/2018 – Nabavka čeličnih cijevi i čeličnih fittinga za zavarivanje iz razloga što su cijene svih prihvatljivih ponuda znatno veće od osiguranih sredstava za predmetnu nabavku.



Prema Zakonu o javnim nabavkama i Pravilniku o postupku nabavke broj: PR/SN/01 od 24.02.2015. godine, odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH u pisanoj formi, putem ugovornog organa, u najmanje 3 (tri) primjerka.

Diréktor

Admir Džubur

Dostaviti:

1. Ponuđaču: „KRAMER & BEST“ d.o.o. Tuzla
2. Ponuđaču: „TREASURE“ d.o.o. Zenica
3. Ponuđaču: „POLIKO – INTERNACIONAL“ d.o.o. Sarajevo
4. Ponuđaču: „FERHEM“ d.o.o. Lukavac
5. Službi nabavke a/a